

Josua

Josua gêwê lau Israel gêjô Mose su jasêku lau Kanaan tulu ma sêjanjo gamêj tau su naminj gêc buku, tec sê Josuanê ñaê kêpi nec ñalêlôm.

Buku tau ñasêbu kapôêj têtêac gebe

1. Môkêlatu 1-12 Lau Israel selom bu Jordan jasêsa Kanaan ma sêkôc nom tau su anja malacm nêj.
2. Môkêlatu 13-22 Lau Israel sêpuc kapoac gebe gôlôacmôkê ñagêdô 9 to Manasenê gôlôac ñamakenj têtap nêj nom sa anja gamêj, tañ gêc bu Jordan ñamakenj gêmu oc kêsêpñan.
3. Môkêlatu 23-24 Josua kêsaê gebe nê noc êwi nom siñña kêdabinj, tec kêkalem lau Israel sêkac sa ma gêlêj biñ êsêac kêtû dim luagêc. Lau Israel sêsôm kêtû tônj kêtiam gebe sejoj Anôtônê poac ma sênam sakinj enj taugenj endenj tôngej.

Lau Israel sêmasañ tañ gebe sêsa gamêj Kanaan sêna

¹ Apômtaunê sakinwaga Mose gêmac êndu su, go Apômtau kêsôm biñ gêdênj Mosenê sakinwaga Nun latu Josua gebe

² “Ñoc sakinwaga Mose gêmac êndu, amboac tonañ ôndi olom bu Jordan tonec. Lau samob sêwiñ aôm, ma naaô lasê gamêj, tañ galoc jakêj êndênj lau Israel nañ.

³ Gamêj samob, tañ emtapa aka nañ, aê jakêj êndênj amac êtôm gajac mata gêdênj Mose.

4 Gamêñ samob, tañ gêc gamêñ sawa to lôc Lebanon ma bu kapôêñ Euprat, tañ kêtú lau Het nêñ gamêñ nañ, e gêdêñ gwêc kapôêñ, tañ kêpoac gêmu oc kêsêpña nañ ñasawa, gamêñ samob tonañ êtu amacnêñ nom.

5 Êtôm têm ômoa matam jaliña nañ, ñac tenj êtôm gebe êkô aôm auc atom. Aê jamoa jawiñ aôm êtôm gamoa gawiñ Mose. Aê oc janğamiñ tauc êndêñ aôm to jawi aôm siñ atom.

6 Ôkô ñajaña totêmtac êpa sugenj, gebe aôm taômgenj ôkêñ lau tonec sêwê kaiñ gamêñ, tañ katôc lemoc gêdêñ êsêac tamenj gebe jakêñ êndêñ êsêacña nañ.

7 Amboac tonañ ôkô ñajaña totêmtac êpa sugenj ma ojop taôm gebe ôngôm biñsu samob, tañ ñoc sakiñwaga Mose kêjatu aôm nañ, ñanô êsa. Ôwi biñsu tau siñ ma o sic ômu anô me gasêña atom, ec ôtap nêñ lêñ ñanô ñajam sa.

8 Biñsu ñabuku ñabinj ênêc aôm awamsuñ ñapanğenj. Taêm ênam biñ tau ênêc nêñ ñalêlôm êtôm elenj to êmbêc, ec ôngôm biñ samob, tañ teto gêc buku tau nañ, ñanô êsa tomalagenj. Embe ôngôm amboac tonañ, go ôsa nêñ lêñ e ônac dabinj ñapep ma ôtap nêñ lêñ ñanô ñajam sa.

9 Aê kajatu aôm gebe ôkô ñajaña totêmtac êpa sugenj. Ôtêc taôm atom ma katôm ôluñ-ôluñ atom, gebe Apômtau, aômñêñ Anôtô, oc êmoa êwiñ aôm êtôm lêñ samob, tañ ôsa ôna nañ.”

10 Go Josua kêjatu launêñ kasêga gebe

11 “Asa gamêñ becña ana ma ajatu lau gebe ‘Amansañ nêñ gêñ aniñña gebe êpuc amac têtñ aña intêna. Bêc têtêac êñaña acgom, go alom bu Jordan

tonec naakôc nom, tañ Apômtau, amacnê m Anôtô, gebe êkêñ êndêñ amac nañ su, gebe êtu amacnê m gamêñ.’ ”

¹² Go Josua kêsôm gêdêñ lau Ruben to Gad ma lau Manase ñamakeñ gebe

¹³ “Taêm ênam biñ, tañ Apômtaunê sakiñwaga Mose kêjatu amac nañ, gebe ‘Apômtau, amacnê m Anôtô, oc êkêñ gamêñ alêwan taômña êndêñ amac, ma gebe êkêñ nom tonec êndêñ amac.’

¹⁴ Amacnê m lau to nê m gôlôac ñasec-ñasec ma nê m bulimakao sêmoa gamêñ, tañ Mose kêkêñ gêdêñ amac gêc bu Jordan ñamakeñ tonecña nañ. Mago amacnê m lau ñaclai sêja laukasap sa naselom bu sêmuñ nê m lasitêwai ma sênam êsêac sa

¹⁵ e Apômtau êkêñ nê m lasitêwai sêlêwan tañ têtôm amac ma sêngôn têt u wakac anga gamêñ, tañ Apômtau êkêñ êndêñ êsêac nañ. Su, go amac amu amêñ nom, tañ kêt u amacnê m gamêñ nañ. Apômtaunê sakiñwaga Mose kêkêñ gamêñ, tañ gêc bu Jordan ñamakeñ gêmu oc kêpiña nañ, gêdêñ amac.”

¹⁶ Ma êsêac sêjô Josua awa gebe” Biñ samob, tañ kôjatu aêac nañ, aêac abe anôm ñanô êsa, ma asa gamêñ samob, tañ ôsakiñ aêac nañ ana.

¹⁷ Aêac tañeñ wamu aôm êtôm tañeñ wamu Mosenê biñ samob. Biñ tagen tonec gebe Apômtau, aôm nê m Anôtô êmoa êwiñ aôm êtôm gêmoa gêwiñ Mose.

¹⁸ Lau samob, tañ sêli awen sa êndêñ aôm nê m jatu to tañeñpêc aôm nê m biñ, tañ ôjatu êsêac nañ, oc sênac êsêac êndu. Biñ tagen tonec gebe ôkô ñajaña ma têtmac êpa su.”

2

Josua kêsakiñ kelenwaga sêja Jeriko

¹ Go Nun latu Josua kêsakiñ ñac luagêc kelecgen anga gamêñ Sitim, gebe sêkêñ kelen gamêñ. En kêsôm gêdêñ êsêagêc gebe “Ajôc, amagêc akêñ kelen gamêñ to malac Jeriko amboac tonanğen.” Ma êsêagêc sêja jasêo lasê mockaiño tenê andu ma sênğôn tônê. Awê tau nê ñaê gebe Rahab.

² Ma lau sêkêñ ñawae gêdêñ kiñ Jerikoña ma sêsôm gebe “Ôlic acgom, gêdêñ gêbêc lau Israel nêñ lau ñagêdô sêo lasê tonec gebe sêlic gamêñ.”

³ Go kiñ Jerikoña kêsakiñ lau dêdêñ Rahab jasêsôm gebe “Ôkêñ lau, tañ sêpi nêñ andu dêdêñ aôm sêwac nañ, sêsa sêmêñ. Êsêac sêmêñ gebe sêkêñ kelen gamêñ.”

⁴ Mago awê kêkôc ñaclagêc sa jakêsiñ êsêagêc ôkwi ma kêsôm gebe “Binñanô, lau dêdêñ aê sêmêñ, mago aê gajam kauc êsêac sêmêñ anga ondoc.

⁵ Gêdêñ tañ gamêñ ñakesec kêsa ma kêdabiñ gebe sênsañ malac ñakatam auc nañ, lau tau sêc sêja. Gamêñ tañ êsêac sêja nañ, aê gajam kauc. Andanğuc êsêac ñagaôgen, oc aê êsêac tôn.”

⁶ Mago awê tau gêwê êsêagêc sêpi salôm ñaô jakêsiñ êsêagêc sêc mê ñalaun, tañ en kêta gêc salôm ñaô nañ ñalêlôm.

⁷ Amboac tonanğ lau tau têdaguc êsêagêc sêsa intêna Jordanna sêja e jadêdêñ buselenğ. Lau tonanğ sêwi malac siñ, ma sêsañ katam auc.

⁸ Ñaclagêc tau sêc bêc atom tagenğ ma awê kêpi salôm gêdêñ êsêagêc gêja

9 ma kêsôm gêdêḅ êsêagêc gebe “Aê kajalagac gebe Apômtau kêkêḅ gamêḅ tonec gêdêḅ amac, ma aêac samob atêc amac, ma lau gamêḅ tonecḅa nêḅ ḅalêlôm kêtû palê sugac.

10 Gebe aêac aḅô ḅawae, gebe Apômtau kêkêḅ Gwêckoc kêtû kelej kêtû amacḅa gêdêḅ taḅ awi Aiguptu siḅ naḅ. Ma aḅô gêḅ, taḅ agôm gêdêḅ lau Amor nêḅ kiḅ luagêc Sihon agêc Og aḅḅa Jordan ḅamakeḅ ôḅêḅa. Amac aseḅ êsêagêc su samucgeḅ.

11 Gêdêḅ ḅasawa, taḅ aêac aḅô biḅ tonan naḅ, aêacma ḅalêlôm kêtû palê kêtû amacḅa, ma ḅajaḅa teḅ gêc lau teḅ kêtiam atom, gebe Apômtau, amacnêḅ Anôtô, eḅ undambê lólôcḅa ma nom elonḅa ḅaAnôtô.

12 Amboac tonan atôc lememe êndêḅ Apômtau ma asôm êndêḅ aê gebe taêḅ walô tamocnê gôlôac êtôm aê tauc taêc walô amagêc. Ma akêḅ ḅabelo ḅanô teḅ êndêḅ aê.

13 Aôc lememe tôḅ êndêḅ tinoc agêc tamoc ma lasicio to ḅac ma êsêacnêḅ lau samob, ma anam aêac sa gebe amac êndu atom.”

14 Ma ḅaclagêc sêsôm gêdêḅ eḅ gebe “Amac embe aoc aêagêcma biḅ tonec lasê atom, go aêagêc anac da amac. Êndêḅ taḅ Apômtau êkêḅ gamêḅ tau êndêḅ aêac naḅ, taêḅ walô amac to amoasiḅ amac.”

15 Go awê tau kêlêwan ḅsêagêc ḅa lêpoa sêsêḅ katam saun, gebe nê andu kêtû tuḅbôm malacḅa gêwiḅ, tec tuḅbôm kêtû ênê andu.

16 Ma eḅ kêsôm gêdêḅ êsêagêc gebe “Api lôc ana, gebe sêjandawaga têtap amagêc sa atom. Asiḅ taôm amoa tôḅê êtôm bêc têlêac e sêjandawaga sêḅu sêḅêḅ su acgom, go amagêc asa nêḅ intêna ana.”

17-18 Go ñaclagêc sêsôm gêdêñ eñ gebe “Ôlic acgom, êndêñ tañ aêac asa gamêñ tonec amêñ nañ, ômoatiñ gam kokoc tonec eñkaleñ katam sauñ, tañ kôlêwan aêagêc asêp amêñ nañ. Ma tênam agêc tamam to lômi ma tamamnê gôlôac samob sêpi tagen anğa nêmandu. Embe ôngôm tonec atom, go biñ, tañ aôm kôsôm gebe atôc lemeñ êpi nañ, ênsêlô.

19 Ñac teñ embe êwi nêmandu siñ êsa intêna êna, nañ eñ tau êwê nê dec ñakaiñ, aêac atom. Mago ñac teñ, tañ êmoa andu ñalêlôm êwiñ aôm nañ, embe êtap gêñwapac sa, go aêac awê ênê dec ñakaiñ.

20 Ma aôm embe ôsôm aêagêcma biñ tonan lasê, go biñ, tañ aôm kôsôm gebe aêagêc atôc lemeñ êpi nañ ênsêlô.”

21 Ma awê tau kêsôm gebe “Biñ tañ asôm su nañ, ñanô êsa.” Go kêsakiñ êsêagêc gebe sêc sêna, tec êsêagêc sêwi eñ siñ ma sêja. Ma eñ tau kêmoatiñ gam kokoc geñkaleñ katam sauñ tau.

22 Êsêagêc sêwi awê tau siñ jasêpi lôc ma sêmoa tônê kêtôm bêc têlêac e sêjandawaga sêmu sêja. Sêjandawaga sesom gamêñ, tañ gêc intêna makeñ-makeñ nañ, mago têtap lau teñ sa atom.

23 Go ñaclagêc sêsêp anğa lôc sêmêñ kêtiam jaselom bu ma sêo lasê dêdêñ Nun latu Josua, go sêjac miñ biñ samob, tañ kêtap êsêagêc sa nañ, gêdêñ eñ.

24 Ma sêsôm gêdêñ Josua gebe “Apômtau kêkêñ gamêñ samob kêsêp aêac lemeñ biññanôgeñ. Ma biñ teñ, lau gamêñ tauña samob sêmoa tonêñ ñalêlôm ñatutucgeñ kêtú aêacña.”

Lau Israel selom bu Jordan

¹ Gêdêñ bêbêc kanucgeñ Josua gêdi ma gêwi Sitim siñ ma lau Israel samob sêwiñ eñ. Êsêac sêô lasê bu Jordan ma sê becoba anğa tônê, selom sebeñ atom.

² Bêc têlêac gêbacnê, go siñwaganêñ laumata sêsêlêñ sêmoa gamêñ becña ñalêlôm

³ ma sêjatu lau gebe “Amac embe alic Apômtau, amacnêm Anôtô, nê katapa poacña, tañ lau Lewi nêñ dabuñwaga sêmbalañ nañ, go andi ma andañguc katapa tau,

⁴ ec ajala intêna, tañ asa nañ, gebe amac asa intêna tonec kwananğenñ atom. Mago ñasawa êniñ katapa to amac êngic. Ñasawa tau amboac saka 500. Andambinñ katapa tau atom.”

⁵ Ma Josua kêsôm gêdêñ lau gebe “Anam dabuñ taôm, gebe eleşña Apômtau gebe êngôm gêñtalô anğa amac ñalêlôm.”

⁶ Ma Josua kêsôm gêdêñ dabuñwaga gebe “Aôc katapa poacña sa ma asêlêñ amuñ.” Tec êsêac sêôc katapa poacña tau sa ma sêsêlêñ sêmuñ lau.

⁷ Ma Apômtau kêsôm gêdêñ Josua gebe “Ocsalô aê gabe jatoc aôm sa lau Israel samob sêlic e sêjala gebe aê oc jamoa jawiñ aôm êtôm gamoa gawiñ Mose.

⁸ Ma aôm ôjatu dabuñwaga, tañ sêmbalañ katapa poacña nañ, gebe ‘Êndêñ tañ aô lasê Jordan ñatali nañ, akô ñañenğenñ anğa bu ñalêlôm.’

⁹ Go Josua kêsôm gêdêñ lau Israel gebe “Ajôc, atu gasuc amêñ, ma akêñ tañem Apômtau, amacnêm Anôtô, nê biñ.”

¹⁰ Ma Josua kêsôm gebe “Biñ tonec êwa sa êndêñ amac gebe Anôtô mata jali gêmoa gêwiñ amac ma

en êsêlêñ êmuñ amac ma êjanda lau Kanaan to Het ma lau Hiw to Peris ma lau Girgas to Amor ma Jebus binñanôgeñ.

11 Alic acgom, Apômtau, tañ kêtú nom samucgeñ ñatau nañ, nê katapa poacña elom bu Jordan êmuñ amac.

12 Ma galoc ajalin lau 12 sa anga Israelnêñ gôlôacmôkênêñ, ñac tagen-tagen êtôm gôlôacmôkêgeñ.

13 Ma êndêñ tañ lau dabuñ, tañ sêmbalan Apômtau, nom samucgeñ ñatau, nê katapa nañ, sêu enñapa êsêp bu Jordan, go bu tau enselen êtiam atom êpoac ma bumôkê êlêc sa naêkô amboac lênsañ teñ.”

14 Amboac tonañ gêdêñ tañ lau dêdi anga nêñ becobo sebe selom bu Jordan nañ, dabuñwaga sêbalañ katapa poacña sêmuñ lau.

15 Ma gêdêñ tañ dabuñwaga, tañ sêbalañ katapa nañ, sêô lasê Jordan ma gêdêñ tañ lau-sabalañ-katapawaga tau sêu enñkain kêsêp bu, tañ kêsâlê Jordan ñatali auc gêdêñ têm sêjac kôm ñanô saña nañ,

16 bumôkê gêlêc sa jakêsun tônia kêkô Jaêcgeñ amboac lênsañ kêkanônia malac Adam, tañ gêc Sareta ñagala nañ. Ma bu aêña, tañ kêsa gwêc Arabaña, tañ sêsam teñ gebe Gwêcmatê nañ, kêpa samucgeñ. Ma lau selom sêsêp gamêñ, tañ kêkanônia Jeriko nañ.

17 Ma gêdêñ tañ lau Israel samob sêsêlêñ sêmoa gamêñ kelengeñ jasêpi bumaken nañ, dabuñwaga, tañ sêbalañ katapa poacña nañ, sêkô gamêñ ñakelen anga bu Jordan ñaluñ e lau samob selom bu Jordan gêbacnê.

4

Poc 12, naŋ sêkôc anŋa Jordan

¹ Lau samob selom bu Jordan jasêpi su acgom, go Apômtau kêsôm gêdêŋ Josua gebe

² “Ôjaliŋ lau 12 sa anŋa launêŋ, ŋac tagen-tagen êtôm gôlôacmôkêgeŋ,

³ ma ôjatu êsêac gebe ‘Akôc poc 12 anŋa Jordan ŋaluŋ tonec, akôc anŋa gamêŋ, taŋ dabuŋwaga eŋtapa sêka naŋ, ma akôc poc tau amêŋ bumaken ma atoc poc tau êkô gamêŋ, taŋ êmbêc anêc naŋ.’ ”

⁴ Go Josua kêkalem lau 12 tau anŋa lau Israel nêŋ, taŋ kêjaliŋ sa naŋ, ŋac tagen-tagen kêtôm gôlôacmôkêgeŋ.

⁵ Ma Josua kêsôm gêdêŋ êsêac gebe “Asêlêŋ naamuŋ Apômtau, amacnêŋ Anôtô, nê katapa êsêp bu Jordan ŋaluŋgeŋ ma aôc poc tagen-tagen êtômgeŋ ma poc tau ŋanamba êtôm Israelnêŋ gôlôacmôkê.

⁶ Poc tonan êtu ŋabelo êkô amac ŋalêlôm. Ma embe nêŋ ŋapalêo to ŋac têtû kênac amac êtu ŋamu gebe ‘Poc tonec gebe êwa asageŋ sa êndêŋ amac,’

⁷ go anac miŋ êndêŋ êsêac gebe Bu Jordan gêlêc sa ma kêkêŋ ŋasawa gêdêŋ Apômtaunê katapa poacŋa. Gêdêŋ taŋ katapa tau gelom Jordan naŋ, ŋabu gêlêc sa. Tec poc tonec êtu ŋabelo tengeŋŋa êndêŋ lau Israel.”

⁸ Ma lau tau sêgôm biŋ, taŋ Josua kêjatu naŋ, ŋanô kêsa ma sêkôc poc 12 anŋa Jordan ŋaluŋgeŋ kêtôm lau Israel nêŋ gôlôacmôkêŋeŋ toŋ, kêtôm taŋ Apômtau kêsôm gêdêŋ Josua naŋ. Ma êsêac sêôc poc tau selom jasêpi gamêŋ, taŋ sebe sêŋêc naŋ, ma tetoc poc tau sêŋgôŋ tonan.

⁹ Ma Josua gêboa poc 12 sa kêkô Jordan ñaluñgen anğa gamêñ, tañ dabuñwaga sêbalañ Apômtaunê katapa ma eñtapa sêka nañ, ma poc tau kêkô tônê e mêngêdêñ galoc.

¹⁰ Ma Apômtau kêjatu Josua gebe êsôm biñ, tañ Mose kêjatu Josua nañ, êndêñ lau Israel. Ma dabuñwaga, tañ sêbalañ katapa nañ, gacgen sêkô Jordan ñaluñgen e biñ samob, tañ Apômtau kêjatu Josua nañ, ñanô kêsa.

Ma lau selom sêkac taunğen sêja bumakenğ.

¹¹ Ma gêdêñ tañ lau samob selom jasêpi ñamakenğ su nañ, Apômtaunê katapa to dabuñwaga selom amboac tonanğenğ sêmuñ lau.

¹² Rubennê wakuc ma Gadnê wakuc to Manasenê gôlôac ñamakenğ selom tolaukasapgenğ sêmuñ lau Israel kêtôm Mose kêjatu êsêac.

¹³ Siñwaga tolaukasap amboac 40,000 selom jasêpi Jeriko ñagamêñ gaboanğa sêja. Êsêac sêmasanğ taunğ gebe sênac siñ sêmoa Apômtau lanğônêmnğa.

¹⁴ Gêdêñ bêc tonanğ Apômtau ketoc Josua sa anğa lau Israel lanğônêmnğa ma êsêac têtêc eñ kêtôm têm, tañ gêmoa mata jali nañ, kêtôm têtêc Mose.

¹⁵ Ma Apômtau kêsôm gêdêñ Josua gebe

¹⁶ “Ôjatu dabuñwaga, tañ sêbalañ katapa poacña nañ, gebe sêpi anğa Jordan sêmêñ.”

¹⁷ Amboac tonanğ Josua kêjatu dabuñwaga gebe “Api anğa Jordan amêñ.”

¹⁸ Ma gêdêñ tañ dabuñwaga, tañ sêbalañ Apômtaunê katapa poacña nañ, sêpi anğa Jordan ñaluñ su ma êsêac eñtapa sêka gamêñ ñakelenğ nañ, bu Jordan gêjô tau mala e kêsalê butali auc kêtiam kêtôm gêmunğa.

19 Lau mênșêpi anğa Jordan gêdêñ ajônñ ñamataña ñabêc kêtú 10 ma sê nêñ bec sênğônñ Gilgal, tañ gêc malac Jeriko ñagamêñ oc kêpiña nañ.

20 Ma Josua gêboa poc 12, tañ êsêac sêkôc anğa Jordan nañ, sa anğa Gilgal.

21 Ma eñ kêsôm gêdêñ lau Israel gebe “Amacnêm ñapalêo to ñac embe têtú kênac tamenji êtu ñamu gebe ‘Poc tonec ñam amboac ondoc,’

22 go awa sa êndêñ êsêac ma asôm gebe ‘Lau Israel selom bu Jordan tonec sêmoa gamêñ kelenğen,’

23 gebe Apômtau, amacnêm Anôtô, gêgôm bu Jordan kêpa kêtú amacña e alom mênjapi ñamakenj kêtôm gêgôm gêdêñ Gwêckoc, tañ gêgôm kêpa kêtú aêacña e alom mênjapi ñamakenj.

24 Eñ gêgôm gên tonañ, gebe lau tomôkê-tomôkê nomña sêjala, gebe Apômtau lêma ñajaña ma gebe amac atêc Apômtau, amacnêm Anôtô, endenj tônğenj.”

5

1 Lau Amor nêñ kiñ samob, tañ sêmoa bu Jordan ñamakenj kêsî gamêñ oc kêsêpña nañ, ma lau Kanaan nêñ kiñ samob, tañ sênğônñ gwêctali nañ, sênğô ñawae gebe Apômtau gêgôm bu Jordan kêpa kêtú lau Israelña e selom bu su, tec nêñ ñalêlôm kêtú palê ma nêñ ñaclai gêbacnê kêtú lau Israelña.

Josua kêsa lau ma êsêac sêlic om Pasa anğa Gilgal

2 Gêdêñ ñasawa tonañ Apômtau kêsôm gêdêñ Josua gebe “Ômansañ bôjañ poc ma ôsa lau Israel êtiam êtu luagêcña.”

3 Amboac tonañ Josua kêmasañ bôjañ poc ma kêsa lau Israel anğa Gibeat-Haralot.

⁴ Josua kêsa êsêac kêtú ñam amboac tonecña gebe lau to siñwaga samob, tañ sêwi Aiguptu siñ nañ, sêmac êndu aña intêna gamêñ sawaña gêdêñ tañ sêwi Aiguptu siñ su nañ.

⁵ Êsêac sêsa lau samob, tañ sêmêñ nañ, mago lau samob, tañ tenenji sêkôc êsêac gêdêñ tañ sêwi Aiguptu siñ su ma sêmoa intêna gamêñ sawaña nañ, tec sêsa êsêac atom.

⁶ Gebe lau Israel sêsêlêñ sêmoa gamêñ sawa kêtôm jala 40 e lau samob to siñwaga samob, tañ sêwi Aiguptu siñ nañ, sêjaña aña gamêñ sawa kêtú êsêac sêkêñ tañeñ Apômtau awa atomña, tec Apômtau kêtôc lêma gebe êsêac sêlic gamêñ, tañ Apômtau gêjac mata gêdêñ aêac tamenji gebe êkêñ gamêñ, tañ su to lêp keselenj êndêñ aêac nañ atom.

⁷ Amboac tonañ Josua kêsa êsêac gebe êsêac sêsa lau tonañ aña intêna atom.

⁸ Gêdêñ tañ sêsa lau samob su nañ, sêngônj nêñ gamêñ becobañagenj e kamoc gemo.

⁹ Ma Apômtau kêsôm gêdêñ Josua gebe “Ocsalô tonec aê kakac biñ majenj Aiguptuña su aña amacnê.” Tec sê gamêñ tau ñaê gebe Gilgal e mênjgêdêñ galoc.

¹⁰ Lau Israel sê nêñ becobo sêngônj Gilgal ma gêdêñ ajônj tonañ ñabêc kêtú 14 ñagêbêc êsêac sêlic om Pasa. Êsêac sêmoa malac Jeriko ñagamêñ gaboañña.

¹¹ Senj Pasa su ma ñagelenj êsêac senj gamêñ tau ñakôm ñanô, senj polom ñaluc to polom ñanô, tañ sêpac nañ, gêdêñ bêc tonañgenj.

¹² Ma mana tau gêbacnê gêdêñ bêbêcgenj tonañ, gêdêñ tañ senj gamêñ tau ñakôm ñanô nañ. Ma

lau Israel têtap mana sa kêtiam atom, seŋ gamêŋ Kanaan ŋakôm ŋanô gêdêŋ jala tonaŋ.

Josua agêc ŋac tosiŋ

¹³ Gêdêŋ taŋ Josua gêmoe Jeriko ŋamalac gala naŋ, eŋ gêoc mataanô sa ma gêlic ŋac teŋ kêkô eŋ laŋônêŋma. Ŋac tau gê nê siŋ sa ma kêmêgôm siŋ tau ŋa lêma. Josua gêdêŋ eŋ gêja ma kêsôm gêdêŋ eŋ gebe “Aêacma ŋac aôm me ma ŋacjonêŋ ŋac aôm.”

¹⁴ Ma eŋ kêsôm gebe “Masi, aê Apômtaunê siŋwaganêŋ laumata. Galocgeŋ tec gamêŋ.” Go Josua gêu tau jagêc laŋôanô gêdêŋ nom ma keten mec to kêsôm gêdêŋ eŋ gebe “Ŋoc apômtau êjatu biŋ ondoc êndêŋ nê sakiŋwaga.”

¹⁵ Ma Apômtaunê siŋwaganêŋ laumata kêsôm gêdêŋ Josua gebe “Ônu atapa su aŋga amtapa, gebe gamêŋ, taŋ kôkô naŋ, gamêŋ dabuŋ.” Ma Josua gêgôm kêtôm tonaŋ. *

6

Lau Israel sêku malac Jeriko tulu

¹ Ma lau Jeriko sêbalaŋ nêŋ malac auc ŋapep kêtû lau Israelŋa. Lau teŋ sêsô-sêsa atom.

² Ma Apômtau kêsôm gêdêŋ Josua gebe “Ôlic acgom, aê kakêŋ Jeriko to ŋakiŋ ma siŋwaga toŋaclai sêsêp aôm lêmam.

³ Amboac tonaŋ amac siŋwaga samob asêlêŋ aŋgi malac tau auc êtu dim tageŋ. Ma aŋgôm amboac tonaŋ êtôm bêc 6.

⁴ Ma dabuŋwaga 7 sêkôc dauc 7 sêsêlêŋ sêmuŋ katapa poacŋa. Ma êndêŋ bêc êtu 7ŋa amac asêlêŋ

* **5:15:** Gilgal ŋam gebe Takac su.

anji malac auc êtu dim 7 ma dabuŋwaga sênac dauc êtaŋ.

⁵ Ma êsêac embe sênac dauc êtaŋ ê tònŋ balingeŋ, ma amac embe anô dauc êtaŋ amboac tonanŋ, go lau samob sênam lasê toaligenŋ ma malac ŋatuŋbôm êku sa ma lau samob gacgeŋ sembo sêsa mala-clêlôm sêna.”

⁶ Amboac tonanŋ Nun latu Josua kêkalem dabuŋwaga ma kêsôm gêdêŋ êsêac gebe “Aôc katapa poacŋa sa ma dabuŋwaga 7 sêkôc dauc 7 ma sêsêlêŋ sêmuŋ Apômtaunê katapa poacŋa.”

⁷ Ma eŋ kêsôm gêdêŋ lau gebe “Ajôc, asêlêŋ anji malac auc ma siŋwaga tolaukasap sêsêlêŋ sêmuŋ Apômtaunê katapa.”

⁸ Ma lau sêgôm biŋ, taŋ Josua kêjatu nanŋ, ŋanô kêsa. Dabuŋwaga 7 sêkôc dauc 7 ma sêsêlêŋ sêmuŋ sêmoa Apômtau laŋônêmŋa. Êsêac sêjac dauc kêtaŋ ma Apômtaunê katapa poacŋa kêsêlêŋ kêdaguc êsêac.

⁹ Ma siŋwaga tolaukasap sêsêlêŋ sêmuŋ dabuŋwaga, taŋ sêjac dauc kêtaŋ ŋapanŋ.

¹⁰ Ma Josua kêjatu lau gebe “Anam lasê atom, anam taôm tòngeŋ, asôm biŋ teŋ êsa awemsuŋ atom e êndêŋ bêc aê jasôm êndêŋ amac gebe Anam lasê, go anam lasê.”

¹¹ Amboac tonanŋ eŋ kêsakiŋ Apômtaunê katapa kêgi malac tau auc kêtu dim tageŋ. Su, go sêo lasê gamêŋ becoboŋa kêtiam ma sêc bêc anŋa tonanŋ.

¹² Gêdêŋ bêbêc kanucgeŋ Josua gêdi sa ma dabuŋwaga sêbalaŋ Apômtaunê katapa.

¹³ Ma dabuŋwaga 7 sêkôc dauc 7 sêsêlêŋ sêmuŋ Apômtaunê katapa ma sêjac dauc ŋapanŋ. Ma siŋwaga tolaukasap sêsêlêŋ sêmuŋ êsêac ma lau

ņagêdô têdaguc Apômtaunê katapa, ma dauc kêtaņ ņapaņ.

¹⁴ Ma gêdêņ bêc kêtu luagêcņa êsêac sêsêlêņ sêgi malac auc kêtu dim tageņ amboac tonanņeņ ma sêmu sêja gamêņ becoboņa. Sêgôm amboac tonan kêtôm bêc 6.

¹⁵ Gêdêņ bêc kêtu 7ņa êsêac dêdi gêdêņ geleņ mata ma sêsêlêņ sêgi malac auc amboac sêgôm-sêgôm kêtu dim 7. Gêdêņ bêc tageņ tonanņeņ tec êsêac sêsêlêņ sêgi malac auc kêtu dim 7.

¹⁶ Ma gêdêņ taņ sêgi malac auc kêtu dim 7ņa ma dabuņwaga sêjac dauc kêtaņ naņ, Josua kêsôm gêdêņ lau gebe “Anam lasêmaņ, gebe Apômtau kêkêņ malac tau gêdêņ amac.

¹⁷ Ma malac to ņagêņ samob êtu Apômtaunê gêņ enseņ suņa. Mockaiņo Rahab to nê lau samob, taņ sêmoa sêwiņ eņ aņga ênê andu naņ, taunņeņ go sêmoa mateņ jali, gebe eņ gêsa lau jaeņņa, taņ aêac tasakiņ êsêac naņ auc.

¹⁸ Ma amac ajop taôm êndêņ gêņ, taņ gêjac anseņ suņa ņawae. Matem katu gêņ tau e akôc ņagêdô, taņ kêtu Apômtaunê naņ, su atom. Embe aņgôm, go lau Israel nêņ gamêņ becoboņa êwê kaiņ biņ, taņ êtap malac Jeriko sa naņ, êwiņ ma êtap gêņwapac ņanô sa.

¹⁹ Ma silber to gold samob ma laclu, taņ sêmasaņ ņa ki kokoc to jejec naņ, êtu Apômtaunê gêņ dabuņ naêsêp Apômtaunê kanom.”

²⁰ Amboac tonan lau sêjam lasê ma sêjac dauc kêtaņ. Gêdêņ taņ lau sêņô dauc kêtaņ naņ, sêjam lasê ma tuņbôm kêku sa, ma lau sêpi malac sêja. Lau samob gacgeņ sebo sêsa malac sêja ma sêku malac tau tulu.

21 Go sesen malac samucgen su. Êsêac sesen ñac to awê ma lau matak to lau ñanô, sesen bulimakao to domba ma donki. Êsêac sesen gên samob su ña siñ ñamata.

22 Ma Josua kêsôm gêdên ñaclagêc, tañ sêkên kelen gamên nañ, gebe “Asô awê mockaino nê andu ana ma akôc awê tau to nê lau samob, tañ sêmoa sêwiñ en nañ, sêsa sêmên amboac atôc lemem gêdên en nañ.”

23 Amboac tonan ñac wakuc luagêc tau, tañ sêkên kelen gamên nañ, sêsô andu sêja ma sêkôc Rahel to têna agêc tama ma lui to nê lau samob, tañ sêngôn sêwiñ en nañ, sêsa sêmên. Êsêac sêkôc ênê lau samob ma sêkên êsêac sêngôn lau Israel nên gamên becoboña ñamagê.

24 Ma êsêac sêkêc malac to ñagên samob ja gen. Tagen silber to gold ma ku, tañ sêmasan ña ki kokoc to jejec nañ, sêkên jakêsêp kanom, tañ kêkô Apômtaunê andu nañ.

25 Josua gêjam awê mockaino Rahab to tamanê gôlôac ma nê lau samob, tañ sêwiñ en nañ sa. En gêngôn lau Israel ñalêlôm e mêngêdên galoc, gebe en gêsa lau jaen, tañ Josua kêsakin gebe sêkên kelen malac Jeriko nañ auc.

26 Gêdên têm tonan Josua kêjatu lau gebe têtôc lemen sêkô Apômtau lanônemña ma kêsôm gebe “Aêac tapuc boa ñac, tañ êndi mênêkwê malac Jeriko tonec sa êtiam nañ.

En ênac da alê ñamataña ña nê ñacsêga.

Ma ênac da malac ñakatam ña nê ñac sauñ.”

27 Amboac tonan Apômtau gêwiñ Josua ma ênê wae gêjam gamên samucgen auc.

1-26 *

7

1-35 *

8

1-27 *

9**10***Lau Israel sêku lau gamêñ gêmu kêsêpña tulu*

¹ Kiñ Jerusalemña Adonisedek gêñô Josua kêku malac Ai tulu to gesen malac tau samucgen su ñawae. Josua gêgôm malac Ai to ñakiñ kêtôm gêgôm gêdên malac Jeriko to ñakiñ. Kiñ tau gêñô biñ ten gêwiñ gebe Lau Gibeonña sê wama gêdên lau Israel ma sêmoa sêwiñ êsêac.

² Enj gêñô biñ tonañ ma kêtêc tau gebe Gibeon malac kapôên kêtôm kiñnên malac ñagêdô, ma malac tau kapôên kêlêlêc Ai su ma nêñ lau samob lau tonjaclai.

³ Kêtu tonañña kiñ Jerusalemña Adonisedek kêsakiñ biñ gêdên kiñ Hebronña Hoham to gêdên kiñ Jarmutña Piram ma gêdên kiñ Lakisña Japia to gêdên kiñ Eglonña Debir ma kêsôm gebe

* **7:1-26:** 7:1-9:27 Josua gêwê lau Israel nêñ siñwaga sêpi Kanaan ñagamêñ lôcña ma sêku malac Ai tulu. Êsêac sêmoatiñ poac ten sêwiñ lau Gibeon ñamiñ gêc tonec. * **8:1-35:** 7:1-9:27 Josua gêwê lau

Israel nêñ siñwaga sêpi Kanaan ñagamêñ lôcña ma sêku malac Ai tulu. Êsêac sêmoatiñ poac ten sêwiñ lau Gibeon ñamiñ gêc tonec.

* **9:1-27:** 7:1-9:27 Josua gêwê lau Israel nêñ siñwaga sêpi Kanaan ñagamêñ lôcña ma sêku malac Ai tulu. Êsêac sêmoatiñ poac ten sêwiñ lau Gibeon ñamiñ gêc tonec.

4 “Api andêḡ aê amêḡmaḡ ma anam aê sa. Aêac tanac Gibeon gebe êsêac sê wama gêdêḡ Josua to lau Israel.”

5 Go lau Amor nêḡ kiḡ lemeḡ teḡ tonec, kiḡ Jerusalemḡa to kiḡ Hebronḡa ma kiḡ Jarmutḡa to kiḡ Lakiḡa ma kiḡ Eglonḡa sêkac nêḡ siḡwaga sa ma êsêac tonêḡ siḡwaganêḡ toḡ samob sêpi jasêgi malac Gibeon auc ma sêjac siḡ gêdêḡ malac tau.

6 Ma lau Gibeonḡa sêkêḡ biḡ gêdêḡ Josua gêja Gilgal ma sêsôm gebe “Ôḡgamiḡ taôm êndêḡ nêḡm sakiḡwaga atom. Ôpi ôndêḡ aêac ômôêḡ sebeḡ ma ônam aêac kêsi to ônam aêac sa. Gebe lau Amor nêḡ kiḡ samob, taḡ sêḡḡôḡ gamêḡ lôcḡa naḡ, sêkac sa sêmêḡ gebe sênac siḡ êndêḡ aêac.”

7 Ma Josua gêdi aḡga Gilgal ma kêpi gêja. Siḡwaga to lau toḡaclai samob sêsêlêḡ sêwiḡ eḡ.

8 Ma Apômtau kêsôm gêdêḡ Josua gebe “Ôtêc êsêac atom, gebe aê kakêḡ êsêac sêsêp aôm lêmam sugac. Êsêacnêḡ ḡac teḡ oc êkô aôm auc atom.”

9 Josua gêdi aḡga Gilgal ma kêsêlêḡ gêdêḡ gêbêc samuc tonanḡ ma gêô lasê gêdêḡ êsêac e têtakê.

10 Ma Apômtau gêgôm êsêacnêḡ meloco kêsa e sêc lau Israel, taḡ sêjac êsêac ḡanô aḡga Gibeon naḡ su. Lau Israel sêjanda êsêac sêsêp intêna Bet-Horonḡa, ma sêjac êsêac e jadêdêḡ Aseka to Makeda.

11 Gêdêḡ taḡ êsêac sêc lau Israel su sêsêp intêna Bet-Horonḡa sêja naḡ, Apômtau tau kêbaliḡ poc kapôêḡ aḡga undambê jakêḡtuc êsêac e jasêô lasê Aseka, ma êsêac sêmac êndu. Lau taḡ sêmac êndu kêtu kom pocḡa naḡ, taêsam sêlêlêc lau, taḡ lau Israel sêjac ḡa siḡ êndu naḡ su.

12 Gêdêḡ bêc, taḡ Apômtau kêkêḡ lau Amor

sêsêp lau Israel lemeņ nan, Josua kêkô lau Israel lanôņnêm ma kêsôm gédêņ Apômtau gebe
 “Aôm oc, ôkô ñaņêņ aņga Gibeon
 ma aôm ajôņ, aņga gaboaņ Aijalon.”

¹³ Ma oc kêkô ñaņêņ ma ajôņ kêkô amboac tonanņeņ
 e lau sêkac kamocgôc gêbacnê.

Biņ tonanņ teto gêc Jasarnê buku gebe Oc tau kêkô umboņ ñaluņ ma kêkac tau gebe naêsêp atom, kêkôgeņ kêtôm bêc samuc teņ.

¹⁴ Bêc teņ kêtôm tonanņ gêc gêmuņ atom ma gêc atom e mênğédêņ galoc. Gédêņ bêc tonanņ Apômtau kêkêņ taņa ñac teņ awa ñam gebe Apômtau gêjac siņ gêjô Israel.

¹⁵ Go Josua ma lau Israel samob sêc sêmu sêja nêņ gamêņ Gilgal kêtiam.

¹⁶⁻⁴³ *

11

1-23 *

12

1-24 *

* **10:16-43:** 10:16–23:16 Lau Israel sêku gamêņ Kanaan samucgeņ tulu. Êsêac sêpuc kapoac e nêņ gôlôacmôkê têtap nêņ nom ñasawa sa kêtômgeņ. * **11:1-23:** 10:16–23:16 Lau Israel sêku gamêņ Kanaan samucgeņ tulu. Êsêac sêpuc kapoac e nêņ gôlôacmôkê têtap nêņ nom ñasawa sa kêtômgeņ. * **12:1-24:** 10:16–23:16 Lau Israel sêku gamêņ Kanaan samucgeņ tulu. Êsêac sêpuc kapoac e nêņ gôlôacmôkê têtap nêņ nom ñasawa sa kêtômgeņ.

1-33 *

13

1-15 *

14

1-63 *

15

1-10 *

16

1-18 *

17

1-28 *

18

1-51 *

19

* **13:1-33:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtap nêḡ nom ḡsawa sa kêtômgeḡ. * **14:1-15:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtap nêḡ nom ḡsawa sa kêtômgeḡ. * **15:1-63:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtap nêḡ nom ḡsawa sa kêtômgeḡ. * **16:1-10:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtap nêḡ nom ḡsawa sa kêtômgeḡ. * **17:1-18:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtap nêḡ nom ḡsawa sa kêtômgeḡ. * **18:1-28:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtap nêḡ nom ḡsawa sa kêtômgeḡ. * **19:1-51:** 10:16–23:16 Lau Israel sêku gamêḡ Kanaan samucgeḡ tulu. Êsêac sêpuc kapoac e nêḡ gôlôacmôkê têtap nêḡ nom ḡsawa sa kêtômgeḡ.

1-9 *

20

1-45 *

21

1-34 *

22

1-16 *

23**24***Josuanê awamu*

¹ Go Josua kêkac lau Israel nêḡ gôlôacmôkê samob sa anḡa Sikem. Enḡ kêkalem lau Israel nêḡ lau ḡanô to laumata ma nêḡ gôliḡwaga to kasêga samob sa jasêkô Anôtô laḡônêm.

² Go Josua kêsôm gêdêḡ lau samob gebe “Apômtau, lau Israel nêḡ Anôtô, kêsôm biḡ tonec gebe ‘Gêdêḡ andanḡenḡ amac tamemi Abraham agêc Nahor tamenḡi Tara sêḡḡôḡ bu Euprat ḡamakenḡ ôḡnêḡa, ma sêjam sakinḡ gêdêḡ anôtôi jaba.

³ Go aê kakôc amac tamemi Abraham su anḡa bu ḡamakenḡ ôḡnêḡa ma gawê enḡ kêsêlêḡ kêtôm gamêḡ

* **20:1-9:** 10:16–23:16 Lau Israel sêku gamêḡ Kanaan samucḡenḡ tulu. Êsêac sêpuc kapoac e nêḡ gôlôacmôkê têtap nêḡ nom ḡasawa sa kêtômḡenḡ. * **21:1-45:** 10:16–23:16 Lau Israel sêku gamêḡ Kanaan samucḡenḡ tulu. Êsêac sêpuc kapoac e nêḡ gôlôacmôkê têtap nêḡ nom ḡasawa sa kêtômḡenḡ. * **22:1-34:** 10:16–23:16 Lau Israel sêku gamêḡ Kanaan samucḡenḡ tulu. Êsêac sêpuc kapoac e nêḡ gôlôacmôkê têtap nêḡ nom ḡasawa sa kêtômḡenḡ. * **23:1-16:** 10:16–23:16 Lau Israel sêku gamêḡ Kanaan samucḡenḡ tulu. Êsêac sêpuc kapoac e nêḡ gôlôacmôkê têtap nêḡ nom ḡasawa sa kêtômḡenḡ.

* **23:1-16:** 10:16–23:16 Lau Israel sêku gamêḡ Kanaan samucḡenḡ tulu. Êsêac sêpuc kapoac e nêḡ gôlôacmôkê têtap nêḡ nom ḡasawa sa kêtômḡenḡ.

Kanaanja samob. Aê kakêñ ênê wakuc têtû taêsam. Aê kakêñ Isak gêdêñ eñ.

⁴Ma kakêñ Jakob agêc Esau gêdêñ Isak. Aê kakêñ gamêñ lôcña Seir gêdêñ Esau gêwê kain, mago Jakob to nê latui sêsêp Aiguptu sêja.

⁵Go kasakin Mose agêc Aron ma kakônin Aiguptu ña gêñwapac, tañ gagôm ança gamêñ tau nañ. Su, go gawê amac asa amêñ.

⁶Aê gawê amac tamemi sêsa ança Aiguptu sêmêñ e aô lasê gwêc. Ma lau Aiguptu sêjanda amac tamemi ña kareta to hos e jadêdêñ Gwêckoc.

⁷Ma êsêac awen gêjac Apômtau ma eñ kêkêñ gêsunbôm gen amac to lau Aiguptu kêsi to gêgôm gwêc kêmakop e kêsalê êsêac auc. Amac matemanô alic gêñ, tañ aê gagôm gêdêñ Aiguptu nañ su. Amac amoa gamêñ sawa ñasawa balin.

⁸Go aê gawê amac aô lasê lau Amor, tañ sêngôn Jordan ñamaken ònêña nañ, nêñ gamêñ. Gêdêñ tañ kakêñ êsêac sêsêp amac lemema ma amac akôc êsêacnêñ gamêñ su nañ, aê gasen êsêac gamun amac.

⁹Go kin Moabña Sipor latu Balak gêdi ma gêjac sin gêdêñ Israel. Eñ kêsakin bin gêdêñ Beor latu Bileam gebe êmêñ ma êpuc boa amac.

¹⁰Mago aê kakêñ tañoc Bileam atom, tec eñ gêjam mec amac. Gagôm amboac tonan, tec gajam amac kêsi ança Balak lêma.

¹¹Go amac alom bu Jordan e aô lasê malac Jeriko. Ma lau Jerikoña sêjac sin gêdêñ amac. Mago lau Jeriko taungen atom, lau Amor to Peres ma Kanaan to Het ma Girgas to Hiw ma Jebus amboac tonan. Mago aê kakêñ êsêac sêsêp amac lemema.

¹²Aê kasakin banic gêmun ma kêjanda lau Amor

nêñ kin luagêc gêmun amac. Amacnêñ siñ to talam gêgôm atom.

¹³ Aê kakêñ gamêñ teñ, tañ ajam kôm kêpi atom nañ, gêdêñ amac ma kakêñ malac, tañ amac akwê sa atom nañ, gêdêñ amac anğôñ. Amac aeñ kôm wainña to katêkwi, tañ asê atomanô nañ ñanô.’

¹⁴ “Amboac tonañ galoc atêc Apômtau to anam sakin eñ têtmac maken ma tonêm ñalêlôm ñañêñgeñ. Atiñ anôtôi jaba, tañ tamemi sêjam sakin anğa bu ñamakeñ ônêña to anğa Aiguptu nañ su, ma anam sakin Apômtau.

¹⁵ Mago amac embe andec gebe anam sakin Apômtau, go ocsalô tonec ajalini anôtôi, tañ abe anam sakin nañ sa. Abe anam sakin anôtôi, tañ tamemi sêjam sakin anğa bu ñamakeñ ônêña nañ, me lau Amor, tec anğôñ êsêacnêñ gamêñ nec, nêñ anôtôi me. Mago aê to ñoc gôlôac abe anam sakin Apômtaugeñ.”

¹⁶ Go lau tau sêjô eñ awa gebe “Biñ tonec gebe awi Apômtau siñ ma anam sakin anôtôi jaba nec ênac jaê aêac,

¹⁷ gebe Apômtau, aêacnêñ Anôtô, gêwê aêac to tamenji tapi anğa Aiguptu tamêñ ma gêwê aêac dawî andu kapoacwalôña siñ. Eñ gêgôm gêñsêga kain teñ aêac talic ma gejob aêac anğa intêna samob, tañ tasa nañ, ma gejob aêac gêdêñ tañ tasêlêñ tasêp lau tomôkê-tomôkê ñalêlôm nañ.

¹⁸ Ma Apômtau kêjanda lau tomôkê-tomôkê gêmun aêac, eñ kêjanda lau Amor, tañ sêngôn gamêñ tonec nañ, amboac tonanğeñ. Kêtu tonanğña aêac abe anam sakin Apômtau amboac tonanğeñ, gebe eñ kêtu aêacnêñ Anôtô.”

19 Mago Josua kêsôm gêdêḡ lau tau gebe “Amac atôm gebe anam sakiḡ Apômtau atom, gebe eḡ Anôtô dabuḡ. Eḡ gêjam lêmuḡ lau gebe têtac êwiḡ eḡ taugenḡ. Eḡ oc êsuc amacnêm biḡ agêli biḡsuḡa to nêm sec ôkwi atom.

20 Eḡ kêmoasiḡ amac su, mago amac embe awi eḡ siḡ ma anam sakiḡ anôtôi jaba, go ênam dêmôê amac ma êḡgôm amac sec to enseḡ amac su.”

21 Ma lau sêsôm gêdêḡ Josua gebe “Masi, aêac abe anam sakiḡ Apômtau.”

22 Ma Josua kêsôm gêdêḡ lau gebe “Amac taôm awa taôm sa gebe ajaliḡ Apômtau sa gebe anam sakiḡ eḡ.” Ma êsêac sêsôm gebe “Aêac awa tauḡ sa sugac.”

23 Eḡ kêsôm gebe “Amboac tonanḡ, go atiḡ anôtôi jaba, taḡ sêc amac ḡalêlôm nanḡ su, ma akêḡ nêm ḡalêlôm êndêḡ Apômtau, Israelnêḡ Anôtô.”

24 Ma lau sêsôm gêdêḡ Josua gebe “Aêac anam sakiḡ Apômtau, aêacnêḡ Anôtô, to taḡeḡ wamu ênê awa.”

25 Tec gêdêḡ bêc tonanḡ Josua kêmoatiḡ poac gêwiḡ' lau ma kêmasanḡ biḡsu to ḡagôliḡ kêtû êsêacḡa anḡa Sikem.

26 Ma Josua keto biḡ tonanḡ kêsêp Anôtônê biḡsu ḡabuku. Ma eḡ kêkôc poc kapôêḡ teḡ jagêjac sa anḡa kamem, taḡ kêkô Apômtaunê gamêḡ dabuḡ nanḡ ḡalabu.

27 Ma Josua kêsôm gêdêḡ lau samob gebe “Alic acgom, poc tonec êtu ḡabelo êwa aêac sanḡa, gebe gêḡô Apômtaunê biḡ samob, taḡ eḡ kêsôm gêdêḡ aêac nanḡ gêwiḡ. Kêtû tonanḡa amac embe ansa nêm Anôtô auc, go poc tau êtu ḡabelo êwa amac sanḡa.”

28 Go Josua kêsakiņ lau sêc sêja nêņ nomlênsê m gêdêņ-gêdêņgen.

Josua agêc Eleasar sêmac êndu

29 Biņ tonañ gêbacnê, go Apômtau nê sakiņwaga Nun latu Josua gêmac êndu. Ênê jala kêt u 110.

30 Ma êsêac sêsuņ en añga tau nê nomlênsê m ñamalac Timnat-Serat, taņ gêc lôc Gas ñagamêņ gêmu kêpiņa añga Epraim ñagamêņ lôcņa.

31 Ma lau Israel sêjam sakiņ Apômtau gêdêņ bêc Josua gêmoa mata jaliņa samob. En gêmac êndu su ma laumata ñagêdô, taņ sêlic kôm, taņ Anôtô gêjam kêpi lau Israel naņ, gacgen sêmoa. Tec lau Israel sêjam sakiņ Apômtau gêdêņ laumata tonañ nêņ bêc sêmoa materj jaliņa samob amboac tonañgen.

32 Josepnê ñatêkwa, taņ lau Israel sêkôc añga Aiguptu sêmêņ naņ, sêsuņ añga Sikem kêsêp nom, taņ Jakob gêjam ôli ña mone silber 100 gêdêņ Sikem tama Hamor latui naņ, ñasawa teņ. Gamêņ tau kêt u Josepnê wakuc nêņ nomlênsê m teņ.

33 Ma Aron latu Eleasar gêmac êndu ma sêsuņ en añga latu Pinehas nê malac Gibe a. Êsêac sêkêņ malac, taņ gêc Epraim ñagamêņ lôcņa naņ, gêdêņ en.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 18 Apr 2025 from source files dated 31 Aug 2023

447e01c5-a375-5452-ae54-b3f890293eeb